

GARIS PANDUAN DAN PENJELASAN MENGENAI SENI TAMPAK DARI KACA MATA ISLAM

Muzakarah Jawatankuasa Fatwa MKI Kali Ke-16
6-7 Oktober 1987

TUJUAN

Garis panduan ini disediakan sebagai panduan dan rujukan umat Islam mengenai kedudukan seni lukis dan ukiran dari pandangan Islam.

LATAR BELAKANG

1. Pada umumnya, seni adalah satu komponen yang penting dalam tamadun manusia. Ia menggambarkan perasaan, kepercayaan dan cara hidup sesebuah masyarakat. Pendidikan Seni memberi peluang kepada pelajar untuk melahirkan perasaan melalui kegiatan-kegiatan kreatif seni dan menjadikan mereka peka dan sedar akan nilai-nilai budaya yang terdapat dalam karya-karya tempatan, kebangsaan dan budaya-budaya lain.
2. Oleh sebab seni mengikut pandangan Islam adalah baik maka satu garis panduan mengenai seni tersebut perlu dijelaskan supaya penggunaannya tidak memberi implikasi dari segi akidah dan hukum Islam. Garis panduan mengenai seni tampak ini boleh dibahagikan seperti berikut:
 - i. Harus
 - a) Jenis lukisan
 - Melukis/mengambil gambar tokoh-tokoh berjasa untuk tujuan sejarah.
 - Melukis/mengambil gambar makhluk-makhluk yang tidak bernyawa, seperti pokok, pemandangan, peralatan dan seumpamanya.
 - Melukis/mengambil gambar objek-objek bernyawa bukan bertujuan dipuja dan didewa-dewakan. (objek yang tidak berunsur larangan)

- Melukis/mengambil gambar ke atas objek yang tidak diagung-agungkan sama ada bernyawa atau tidak bernyawa. (manusia, binatang dan tumbuhan)

b) Jenis ukiran

- Mengukir ukiran manusia, binatang dalam bentuk yang menutup aurat atau sopan yang bertujuan untuk permainan kanak-kanak, pendidikan dan pelajaran atau pengetahuan.
- Mengukir objek yang tidak bernyawa seperti pokok, bangunan dan sebagainya.

ii. Haram

a) Jenis lukisan

- Melukis gambar lucuh/manusia dalam keadaan terbuka aurat.
- Melukis binatang yang tidak sopan.
- Melukis sesuatu objek bertujuan dipuja/disembah
- Melukis sesuatu objek yang melambangkan kepercayaan agama bukan Islam, dapat dinilai sebagai menyekutukan Allah SWT.
- Melukis sesuatu objek dengan niat menandingi ciptaan Allah SWT.
- Melukis gambar-gambar malaikat, nabi-nabi dan para sahabat besar (10) yang dijamin masuk syurga.
- Melukis tokoh-tokoh, ketua-ketua atau pembesar-pembesar untuk pengagungan bagi tujuan kesucian.
- Melukis gambar yang subjeknya menyalahi syariat serta akhlak.

b) Jenis ukiran

- Mengukir sebarang jenis manusia dan binatang walaupun dalam bentuk menutup aurat atau sopan dalam apa bentuk dan tujuan sekalipun, kecuali bertujuan permainan kanak-kanak/pendidikan, pembelajaran/pengetahuan.

PENUTUP

Adalah diharapkan garis panduan yang disediakan dapat menjadi rujukan kepada semua umat Islam dalam kegiatan seni kreatif agar tidak menyimpang daripada batas-batas yang telah ditetapkan oleh Islam.